

ხელშეკრულება სახელმწიფო შესყიდვის შესახებ N 232

ქ. დმანისი

2022 წელი

ერთის მხრივ, დმანისის მუნიციპალიტეტის მერია, (შემდგომში "შემსყიდველი") წარმოდგენილი მუნიციპალიტეტის მერის კოზა მურადაშვილის სახით და მეორეს მხრივ ი/მ „გელა მუსხელიშვილი“-ს (შემდგომში "მიმწოდებელი") წარმოდგენილი სახით, სახელმწიფო შესყიდვების კანონმდებლობისა და მიმწოდებლის სატენდერო წინადადების საფუძველზე, NAT220018111 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. "ხელშეკრულება სახელმწიფო შესყიდვების შესახებ" (შემდგომში - "ხელშეკრულება") - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.
- 1.2. "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. "დღე", "კვირა", "თვე" - კალენდარული დღე, კვირა, თვე.
- 1.4. "შემსყიდველი" - ორგანიზაცია რომელიც ახორციელებს შესყიდვას.
- 1.5. "მიმწოდებელი" - პირი, რომელიც ახორციელებს მომსახურებას ხელშეკრულების ფარგლებში.
- 1.6. "მომსახურება" - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „შესყიდვის ობიექტის ტექნიკური პარამეტრები და პირობები-დანართი N1“ – NAT220018111 ელექტრონული ტენდერის სატენდერო დოკუმენტაციის შესყიდვის ობიექტის ტექნიკური პარამეტრები და პირობები, რომელიც დაერთვება ხელშეკრულებას როგორც მისი განუყოფელი ნაწილი.

2. ხელშეკრულების საგანი

- 2.1. სამგზავრო ტრანსპორტით უზრუნველყოფის მომსახურების შესყიდვა. (CPV-60100000; 60170000)
- 2.2. ხელშეკრულებით გათვალისწინებულ მომსახურების აღწერა მოცემულია შესყიდვის ობიექტის „ტექნიკური პარამეტრებში და პირობებში“ (დანართი N1) და დანართი №3-ში.

3. ხელშეკრულების ღირებულება

- 3.1. ხელშეკრულების ღირებულება შეადგენს 185920,80 (ასოთხმოცდახუთი ათას ცხრაასოცი ლარი და 80 თეთრი) ლარს. (დღგ-ს ჩათვლით).
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. დაფინანსების წყარო: ადგილობრივი ბიუჯეტი (2022 წ. -37120,8 ლარი, 2023 წ.-148800 ლარი)

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით, ეროვნულ ვალუტაში (ლარი).
- 4.2. მიმწოდებელთან ანგარიშსწორება შემსყიდველის მიერ იწარმოებს ხელშეკრულებით გათვალისწინებული გაწეული მომსახურების მიღება-ჩაბარების აქტისა და შესაბამისი საგადასახადო დოკუმენტის საფუძველზე.
- 4.3. მიმწოდებელთან ანგარიშსწორება განხორციელდება მიღება-ჩაბარების აქტის მხარეთა მიერ ხელმოწერის შემდეგ 10 (ათი) სამუშაო დღის განმავლობაში.

5. მიღება-ჩაბარების წესი

- 5.1. მიმწოდებელი შემსყიდველს წარუდგენს მიღება-ჩაბარების აქტს.
- 5.2. შემსყიდველის მხრიდან მიღება-ჩაბარების აქტზე ხელმოწერაზე უფლებამოსილი პირია **დმანისის მუნიციპალიტეტის მერიის ჯანმრთელობის, სოციალური და ბავშვთა უფლებების დაცვისა და მხარდაჭერის სამსახურის პირველი კატეგორიის უფროსი სპეციალისტი-რომან დევნოზაშვილი.**

6. მომსახურების გაწევის ადგილი და ვადა

6.1. მომსახურების გაწევის ვადაა - ხელშეკრულების გაფორმებიდან, ეტაპობრივად, 2023 წლის 31 დეკემბრის ჩათვლით.

7. მხარეთა უფლება-მოვალეობანი

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) გასწიოს ხელშეკრულებით გათვალისწინებული მომსახურება სათანადო ხარისხითა და სრული მოცულობით. იმ ვადაში რომელიც მითითებულია ხელშეკრულების მე-6 მუხლში.

ბ) უზრუნველყოს მომსახურების გაწევა ტექნიკურ დავალებაში, სატენდერო წინადადების განფასებისა და სატენდერო წინადადების განფასების დანართის შესაბამისად.

გ) იმ შემთხვევაში, თუ გაწეული მომსახურება არ შეესაბამება ხელშეკრულების პირობებს, საკუთარი ხარჯებით აღმოფხვრას აღმოჩენილი ხარვეზი.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულების ნაკისრი ვალდებულებების ინსპექტირებას განახორციელებს დმანისის მუნიციპალიტეტის მერიის ჯანმრთელობის, სოციალური და ბავშვთა უფლებების დაცვისა და მხარდაჭერის სამსახურის პირველი კატეგორიის უფროსი სპეციალისტი-რომან დევნოზაშვილი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულებისა და გაწეული მომსახურების ხარისხის პროცესის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხოლო დანართი N3-ის ცვლილება შესაძლებელია შემსყიდველის მხრიდან მიმწოდებლის თანხმობის გარეშე (უაქცეპტოდ.)

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია არანაკლებ 5 (ხუთი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.4 პუნქტით გათვალისწინებულ გადაწყვეტილების მიღების განზრახვის თაობაზე.

10.6. ხელშეკრულება ასევე, შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ, ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2024 წლის 31 იანვრის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

14. რეკვიზიტები

შემსყიდველი	მიმწოდებელი
დმანისის მუნიციპალიტეტი მის.: ქ. დმანისი, წმ. ნინოს №41	ი/მ გელა მუსხელიშვილი
საიდენტიფიკაციო კოდი: 228928391	მის.:ქ.დმანისი, ცურტაველის ქ.№79
საბანკო რეკვიზიტები:	საიდენტიფიკაციო კოდი: 15001009038
სახელმწიფო ხაზინა TRSGE22	საბანკო რეკვიზიტები: სს თიბისი ბანკი
ერთიანი ანგარიში: GE24NB0330100200165022	ბანკის კოდი:TBCBGE22
ტელ.: 0(360) 22-11-53	ანგარიშის ნომერი: GE47TB7331045061100074
	ტელ.: +995557 66 87 07

დმანისის მუნიციპალიტეტისმერი

ი/მ გელა მუსხელიშვილი

_____ კობა მურადაშვილი

_____ გელა მუსხელიშვილი

შესყიდვის ობიექტის ტექნიკური პარამეტრები და პირობები

1. შესყიდვის ობიექტს წარმოადგენს - 2022-2023 წელს სამგზავრო ტრანსპორტით უზრუნველყოფის (საჭიროების შემთხვევაში სატვირთო ტრანსპორტით) მომსახურების შესყიდვა.
2. მომსახურება უნდა განხორციელდეს ხელშეკრულების დადებიდან 2023 წლის 31 დეკემბრის ჩათვლით, ეტაპობრივად.
3. პრეტენდენტმა უნდა უზრუნველყოს მუნიციპალური პროგრამით დამტკიცებული სტუდენტების, ვეტერნების, უსინათლოების და დიალიზის საჭიროების მქონე პირთა გადაადგილება ქ.დმანისი - ქ.თბილისი - ქ.დმანისის მიმართულებით კვირაში 2(ორი) დღე, ქ.დმანისი- ქ.თბილისის მიმართულებით კვირაში ერთი დღე, ასევე ქ.დმანისი-ქ.მარნეული-ქ.დმანისის მიმართულებით კვირაში ერთი დღე (მხოლოდ დიალიზის საჭიროების მქონე პირთა გადაადგილებისათვის) კერძოდ:
 - 3.1. **ორშაბათი** - ქ.დმანისიდან - ქ.თბილისის მიმართულებით 09⁰⁰- საათზე გასვლა და ქ.თბილისიდან ქ.დმანისის მიმართულებით 15⁰⁰ საათზე გამოსვლა;
 - 3.2. **პარასკევი** - ქ.დმანისიდან - ქ. თბილისის მიმართულებით 09⁰⁰ გასვლა და ქ.თბილისიდან - ქ. დმანისის მიმართულებით 15⁰⁰ -საათზე გამოსვლა.
 - 3.3. **კვირა**- ქ.დმანისი - ქ.თბილისის მიმართულებით 17⁰⁰-საათზე გასვლა და უკან დაბრუნება.
 - 3.4. ქ.დმანისი-ქ.მარნეული-ქ.დმანისის მიმართულებით კვირაში ერთი დღე (მხოლოდ დიალიზის საჭიროების მქონე პირთა გადაადგილებისათვის).
- დაფინანსება განხორციელდება წარმოდგენილი გავლილი მანძილის 100%-ის ფარგლებში.
- შენიშვნა:** გადაზიდვა-გადაყვანის განხორციელების პროცესში, დაუშვებელია გადაზიდვამა განახორციელოს პროგრამით არამოსარგებლე პირების გადაყვანა, ასევე დაუშვებელია პროგრამის ბენეფიციარებს მოსთხოვოს ან/და პროგრამის ბენეფიციარებისგან მიიღოს გაწეულ მომსახურებაში ანაზღაურება.
4. მოსახლეობის გადაადგილება ყოველი სამუშაო დღეს დილით 08:00 სთ-ზე სოფ. პატარა დმანისიდან - ქ.დმანისის მიმართულებით და საღამოს 18:10 სთ-ზე ქ.დმანისიდან - სოფ.პატარა დმანისის მიმართულებით (გადაზიდვა-გადაყვანის დაწყების ადგილამდე მისვლა, გადაზიდვის დაწყებამდე გავლილი მანძილი არ ანაზღაურდება).

წვევამდელთა შემკრებ-გამანაწილებელ პუნქტებში გადაყვანა, ასევე მუნიციპალიტეტის მცხოვრებთა გადაყვანა სოციალურ, კულტურულ, საგანმანათლებლო, შემეცნებით, სპორტულ ღონისძიებებზე, რელიგიურ დღესასწაულებზე და ყოველ კვირა დღეს, ქ.დმანისიდან და მუნიციპალიტეტის სხვა დასახლებული პუნქტებიდან, როგორც მუნიციპალიტეტის, ასევე საქართველოს მთელ ტერიტორიაზე - დაფინანსება განხორციელდება წარმოდგენილი გავლილი მანძილის 100%-ის ფარგლებში.
5. მომსახურება უნდა განხორციელდეს 2022-2023 წელს - **120 000კმ-ის** ფარგლებში.

ხელწერილი ინტერესთა კონფლიქტის არარსებობის შესახებ

ქ.დმანისი

ჩვენ, ქვემოთ ხელის მომწერნი ვადასტურებთ, რომ 2022 წლის №232 ხელშეკრულებით განსაზღვრულ სახელმწიფო შესყიდვაში, ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და მიმწოდებელთან ინტერესთა კონფლიქტში არ ვიმყოფებით.

დმანისის მუნიციპალიტეტის მერია

მუნიციპალიტეტის მერი _____ კობა მურადაშვილი

დმანისის მუნიციპალიტეტის მერიის ჯანმრთელობის,
სოციალური და ბავშვთა უფლებების დაცვისა და
მხარდაჭერის სამსახურის პირველი კატეგორიის
უფროსი სპეციალისტი _____ რომან დევნოზაშვილი